



ԱՐԱՐԱՏ ԼԵՌԸ

Հայաստանը հիւսիսէն եւ կը միանայ մեր Լոռիի անտառուտ լեռներուն, որոնք Հայաստանը կը բաժնեն Վրաստանէն:

գ) Արեւելեան շղթաները. — Լոռիի լեռնաշղթան դէպի հարաւ ծոելով, Կիրովականի քովէն (Ղարաքիլիսէ) կ'իջնէ կը միանայ Սիւնիքի լեռներուն, որոնք իրենց ծոցին մէջ առեր են Սեւանայ լիճը (1925 մեզր բարձր ծովէն): Սեւանի արեւելեան կողմիները Սիւնիքի լեռներ կը կոչուին, արեւմըտեան կողմը՝ Գեղամայ լեռներ: Բարձր եւ սուր զագաթներ ու խորունկ ձորեր ունին, չոր եւ ժայռուտ են, ու գրեթէ անանցանելի, անոր համար բնակիչները միշտ կ'իսանկախ եւ քաջ կոռուղներ եղած են:

դ) Կեդրոնական լեռներ. — Այս երեք մեծ լեռնաշղթաներուն մէջ կը տարածուի Կեդրոնական Հայաստանը, ուր կը բացուին իրարմէ բաժնուած շուրջ 15 մեծ ու փոքր զաչտագետիներ, զարմանալի տեսարաններով եւ հարուստ բուսականութեամբ: